

Mohd Amirul Kasyful Nur bin Zulkifli

From: Unit Komunikasi Korporat
Sent: Monday, November 20, 2017 1:47 PM
To: UUM - All Staff; UUM - All Students
Cc: Staf - Pesara UUM
Subject: Graduan Perlu Aktif Salur Idea Untuk Bina Negara



Unit Komunikasi Korporat
CORPORATE COMMUNICATION UNIT
Universiti Utara Malaysia



20 NOVEMBER 2017 / 1 RABIULAWAL 1439H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Muhammad Shamsul Shafie

GRADUAN PERLU AKTIF SALUR IDEA UNTUK BINA NEGARA



UUM ONLINE: Dalam usaha menjadi negara maju dan berpendapatan tinggi menjelang tahun 2050, graduan disarankan untuk aktif menyalurkan idea bagi membina negara.

Pro-Canselor, Dato' Seri Amar DiRaja Dato' Seri DiRaja Tan Sri Osman Aroff berkata, sudah 60 tahun negara merdeka dan memerintah negara membuktikan pemimpinan terdahulu mampu membina negara dengan cemerlang.

Menurutnya, negara kini berada di landasan pembangunan yang semakin kukuh dan berkembang maju, malah himpunan saranan untuk memajukan negara menerusi Transformasi Nasional 2050 (TN50) turut melibatkan rakyat bagi mencetuskan idea untuk pelan induk hala tuju Malaysia.

Katanya, TN50 adalah transformasi baharu dilakukan kerajaan untuk menyalurkan pendapat rakyat secara langsung kepada pemimpin, justeru peluang tersebut harus digunakan secara aktif.

"Kita tidak boleh lagi bersikap pasif atau merungut secara lisan atau menularkan pandangan peribadi di alam maya tanpa minda dan idea baharu yang positif kepada masyarakat dan negara.

"Sumbang saran idea demi pembangunan negara sangat penting, gabungan minda rakyat dan idea pemimpin digabungkan dalam usaha merealisasi transformasi demi kebaikan bangsa dan negara," katanya pada sesi keempat Konvokesyen Ke-30 UUM di Dewan Mu'adzam Shah, pagi tadi.

Ujar beliau lagi, TN50 merupakan satu platform yang perlu disokong oleh para akademik, pegawai universiti serta graduan dan seluruh masyarakat, ia umpama sebuah bank idea untuk membina negara.

Yang Berbahagia Tan Sri berkata, falsafah dalam TN50 menyerlah keperluan untuk rakyat mendepani masa depan dengan persediaan dan pengetahuan.

Dalam ucapan tersebut, beliau turut mengingatkan graduan tentang era Revolusi Perindustrian Keempat (IR4.0) yang menjelmakan satu wajah baharu kepada negara supaya graduan dan universiti bersedia berinovasi dengan minda terbuka untuk berjaya dalam era baharu itu.

"Apalah guna kita berwacana riuh soal kemajuan dan ledakan Revolusi Industri 4.0 sedangkan minda masih terbelenggu elemen negatif yang tidak membina diri, keluarga dan negara," katanya.

Pada sesi tersebut, seramai 865 graduan menerima ijazah Sarjana dan Sarjana Muda masing-masing yang disampaikan Pro-Canselor.

DARIPADA:

**UNIT KOMUNIKASI KORPORAT
UNIVERSITI UTARA MALAYSIA**

☎ 04-928 3048/3049/3052/3061

☎ 04-928 3053

✉ ukkuum@uum.edu.my

📘 Universiti Utara Malaysia (Official FB)

ANJUNG
Tamu UUM



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.